

2025. URTEKO DIRULAGUNTZA

ESKORIATZAKO UDALA

ETA

SAN PEDRO ETA INTXAURTXUETAKO BIZILAGUNEN ELKARTEAREN ARTEKO HITZARMENA

BILDUTAKOAK

Kodea	W23/0002	Udala	ESKORIATZA	
CUDO	000.0034.AAAACYD2.8.8DA8			
URL	https://uzt.gipuzkoa.eus/PortalV/r/eu/34/AAAACYD28.8DA8			
Dokumentu honen baliotasuna egiaztatzeko goiko Webgunean sar zaitetz edo QR irudia irakurri ezazu				



ALDE BATETIK, Edorta Zubizarreta Alegria, Eskoriatzako Udaleko alkatea.

ETA BESTETIK Andoni Moto Garcia de Salazar, San Pedro eta Intxaurtxueta Bizilagunen elkartearen presidentea.

PARTE HARTZEN DUTE

Edorta Zubizarreta Alegria jaunak ESKORIATZAKO UDALAREN izenean eta ordezkartizan.

Andoni Moto Garcia de Salazar, NAN 72841164A zenbakia duena, San Pedro eta Intxaurtxueta Bizilagunen elkartearen izenean eta ordezkartizan, bertako presidentea denez.

Alde biek aitortzen diote elkarri hitzarmen hau sinatzeko gaitasuna.

ADIERAZTEN DUTE

2023ko abenduaren 21ean, Eskoriatzako Udalaren 2024-2027 Dirulaguntzen Plan Estrategikoa onartu zen. Plan horretan ildo estrategikoak jasotzen dira, eta horietako lehena KULTUR DINAMIZAZIOA izeneko da.

Lerro horren I. ekintza Eskoriatzako San Pedro eta Intxaurtxuetako bizilagunen elkarteari (hemendik aurrera SPIBE) diruz laguntzeko programa da. Helburua da San Pedro/Intxaurtxuetako jaietako eta auzoan kultura dinamizatzeko urtean zehar egingo diren programak antolatzeko gastuak ordaintzen laguntzea.

Eskoriatzako Udaleko 2025eko aurrekontuetan 10.000 euroko dirulaguntza izenduna aurreikusten da, 0400.481.334.53.01 partidaren kargura, SPIBERentzat.

Azaroaren 17ko 38/2003 Dirulaguntzen Lege Orokorreko 22. artikuluan, besteak beste, jasotzen da dirulaguntza zuzentzat joko direla toki erakundearen aurrekontuetan nominatiboki aurreikusita daudenak, eta laguntzak ematerakoan horiek arautzen dituzten arauetan eta hitzarmenetan jasotakoaren arabera eman beharko direla.

Dirulaguntzei buruzko azaroaren 17ko 38/2003 Lege orokorreko 22. artikuluan eta horrekin bat datozen arauetan ezarritakoaren arabera, ondorengo baldintzek arautuko duten hitzarmen hau sinatzen dute alde biek.

BALDINTZAK

LEHENENGOA.- HITZARMENAREN HELBURUA.

Hitzarmen honen helburua da 2025eko ekitaldiko udal aurrekontuan SPIBERen izenean dagoen dirulaguntza izenduna antolatzea.

BIGARRENA.- ESKORIATZAKO UDALAK EGIN BEHARREKO JARDUERAK.

Eskoriatzako Udalak konpromisoa hartzen du SPIBERi 10.000 euroko dirulaguntza emateko, 0400.481.334.53.01 aurrekontu aplikazioaren kontura, 2025eko ekitaldian elkarteak antolatuko dituen jardueren gastuak finantzatzen laguntzeko.



HIRUGARRENA.- SAN PEDRO ETA INTXAURTUETAKO BIZILAGUNEN ELKARTEAREN BETEBEHARRAK.

- Urteko plangintza aurkeztea, eta plangintza horretan zehaztea ze jarduera egiteko erabiliko den dirulaguntza.
- Dirulaguntza ematea eragin duten baldintzak bete direla justifikatzea.
- Dirulaguntza emateko kontuan hartu den edozein gorabehera aldatuz gero, horren berri ematea Udalari.
- Udalak egin beharreko egiaztatze jardunak onartzea, bai eta eskuduntza izendaturik duten kontrol organoek -estatukoak nahiz erkidegokoek- egin ditzaketen egiaztatze eta finantza kontrolerako beste edozein ere, eta jardun horiek egiterakoan errekeritzen zaien informazio guztia ematea.
- Diruz lagundutako jarduera finantzatzeko beste dirulaguntza, laguntza, diru sarrera edo bitarteko batzuk lortu baditu, Udalari jakinaraztea. Laguntza horien berri izan eta berehala egin beharko da jakinarazpena, eta edozelan ere, diru-funtsak zertarako erabili diren justifikatu baino lehen.
- Zerga betebeharrek egunean izatea hitzarmena sinatu baino lehen eta hitzarmenaren indarraldiak dirauen bitartean. Horretarako, hitzarmen hau sinatzearekin, Gipuzkoako Foru Aldundian edo eskuduntzak dituen beste erakunde edo administrazio publikoren batean dagozkion ziurtagiriak telematikoki lortzeko baimena ematen zaio, berariaz, Eskoriatzako Udalari, baita dirulaguntzaren azkenengo zatia ordaindu baino lehen ere.
- Jarduerarekin, proiektuarekin edo programarekin lotutako iragarki eta komunikazioetan ez erabiltzea ez hizkera ez irudi sexistarik.
- Behar beste baimen lortzea diruz lagundu beharreko jarduera garatzeko, eta baimenon xedapenak betetzea.
- Jarduera eta ikuskizun publikoen antolaketari buruz indarrean dagoen legedia betetzea, eta baita dagokion jarduera eremuari aplikatu dakiokeen estatuko edo erkidegoko gainerako legedia ere.
- SPIBEk bere zerbitzua eskaintzeko kontratatzen dituen enpresetako langileek adin txikikoekin lan egin behar baldin badute, 8/2021 Legea betez, sexu delituengatik zigor aurrekaririk ez dutela egiaztatu beharko dute. Ziurtagiri horrek gehienez 6 hilabeteko antzinatasuna izan beharko du.
- Adikzioen eta Droga Mendekotasunen gaineko Arreta Integralari buruzko 1/2016 Legean ezarritako neurriak betez, edari alkoholduen eta tabakoaren publizitatea, sustapena, hornidura, salmenta eta kontsumoa mugatu beharko da, bereziki adingabeei zuzendutako jarduerak direnean.

SPIBE joko da diruz lagundutako jardueraren antolatzaile bakartzat, eta beraz, bera izango da erantzule zibil bakarra jarduera horren garapen normal edo anormalek erator daitekeen ondare-erreklamazioari aurre egiteko. Edozein modutan ere, egon daitezkeen erreklamazioetatik salbuetsita geldituko da Udala.

EUSKARAREN ARLOAN

Herritarren hizkuntza eskubideak errespetatzearen SPIBEk ondorengo urratsak emateko konpromisoa hartzen du euskararen normalizazioaren alde:

- Herritarrentzako idatzizko komunikazioak (publizitatea, egitarauak, kartelak, oharrak, prezioak, ...) euskaraz edo ele bietan egingo dira. Ele bietan eginez gero, lehentasuna emango zaio euskarazko testuari (kokapena, tamaina...).



- Haur eta gazteei zuzendutako ekintzak euskaraz izango dira; eta bi hizkuntza ofizialetan hitz egiten duten pertsonak jarriko dira ekintza horien aurkezpenetan, zaintza lanetan eta abarretan.
- Gainerako ekintzen ahozko adierazpenak (bingoa, aurkezpenak...) euskaraz edo ele bietan izango dira, euskarazkoari lehentasuna emanez.
- Karpan, kalean... girotze musikaririk jarri gero, euskarazko musikaren presentzia bermatuko da.

KOMUNIKAZIO ARLOAN

Jarduerak sorrarazitako dokumentazio eta inprimatutako propaganda guztietan, Udalak diruz lagundutako ekintza dela adierazi beharko du SPIBEk.

EMAKUMEEN ETA GIZONEN ARTEKO BERDINTASUNA.

SPIBEk konpromisoa hartzen du dirulaguntza gauzatu eta justifikatzeko aurkeztuko dituen memoria eta txostenetan onuradunei edo erabiltzaileei eta diruz lagundutako proiektua gauzatzen duten langileei buruzko datu estatistiko guztiak aurkezteko, sexuaren eta adinaren arabera bereizita, ehunekoetan adierazita, dirulaguntzak ze herritarrengan duen eragina jakin ahal izateko.

Proiektua edo jarduera gauzatzean sortzen den dokumentazio, publizitate, irudi edo material orotan, hizkuntza eta irudi inklusiboa eta ez-sexista erabili beharko da, emakumeen irudi diskriminatzaileak edo estereotipo sexistak saihestuz, eta berdintasun, presentzia orekatu, aniztasun, erantzukidetasun eta genero-rol eta -identitate aniztasun balioak sustatu.

KULTURA BATZORDEAREKIN ELKARLANA

Horrela eskatuz gero, Udalarekin, eta zehazki, kultura batzordearekin, elkarlanean aritzea urtean zehar.

LAUGARRENA.- DIRUZ LAGUNDU DAITEZKEEN GASTUAK.

Diruz lagungarritzat joko dira, indarrean dagoen araudiaren arabera zuzen justifikatuta egonda, beharrezkoak izan eta diruz lagundutako proiektu eta jardueren izaerari eta garapen normalari inolako zalantzarik gabe erantzuten diotenak.

Administrazio eta antolaketari lotutako kanpoko aholkularitzarenak diruz lagundu ahal izango dira, betiere kanpoko aholkulariren bat kontratatzen bada lan horiek egiteko.

Ez dira onartuko gastu oharrak eta beste dokumentu batzuk, legezko baliodun faktura edo egiaztagiritzat jotzeko eskatzen diren arauzko baldintzak betetzen ez badituzte.

BOSGARRENA.- BESTE LAGUNTZA BATZUEKIN PILATZEKO AUKERA ETA FINANTZAZIO MUGAK.

Emandako dirulaguntza bateragarria izango da helburu bererako Udalak edota beste erakunde publiko edo pribatuak emandako dirulaguntzarekin. Hala ere, inolaz ezin izango da onartu gain-finantzaziorik. Horrelakorik gertatuz gero, emandako dirulaguntza murriztu egingo da diruz lagundutako ekintzaren kostu totalaren mugara.



SEIGARRENA.- DIRULAGUNTZA ORDAINZEKO EPEAK.

Dirulaguntza modu honetara ordainduko da:

% 60a, hau da, 6.000 euro, hitzarmen hau sinatu ondoren.

% 40a, hau da, 4.000 euro, dirulaguntzaren kitapena eta justifikazioa aurkeztu ondoren, 7. baldintzan eskatutako dokumentazioa aurkeztuta, betiere, abenduaren 12a baino lehen.

ZAZPIGARRENA.- DIRULAGUNTZAREN JUSTIFIKAZIOA.

2025eko azaroaren 24a baino lehen, SPIBEk ondorengo dokumentazioa aurkeztuko du **modu digitalean**:

- Eskaera orria.
- **Urteko memoria xehatua.**
- 2025eko diru sarreren eta gastuen balantzea, hasieran aurkeztutako aurrekontuari egokitu dela egiaztatzeko.
- Gastuen zerrenda sailkatua honako hauekin: hartzekodunaren identifikazioa, faktura zenbakia edo froga-balio baliokidea duen dokumentua, zenbatekoa, fakturaren data eta ordainketa eguna.
- Hasieran aurkeztutako aurrekontuari balantzea zein neurritan egokitu zaion egiaztatzeko, justifikazioarekin batera hasierako aurrekontuarekiko balantzeak izandako desbideraketa taula aurkeztu beharko da, eta desbideraketarik izanez gero, horiek justifikatzeko txostena ere egin beharko da.
- Ziurtagiri bat diruz lagundutako jarduerarako jasotako dirulaguntzei eta gainerako sarrerei buruz, horiek balantzean jasota edo jaso gabe egotea kontuan hartu gabe. Ziurtagiri horrek dirulaguntza jaso duen jarduera finantzatzeko egon diren bestelako diru-sarrera eta dirulaguntzen xehetasunak jaso beharko ditu, zenbat diru eta zein erakundetatik jaso den zehaztuz.
- Dokumentazio grafikoa (kartelak, liburuxkak, libretoak, banatutako idatzizko materiala, prentsa oharrak eta abar).
- Hizkuntza datuak (euskaraz egindako ekintza eta aurkezpenen zerrenda)

Kasu guztietan, honela justifikatuko dira gastuak:

Jardueragatik egindako gastuen jatorrizko fakturak.

Fakturen edo ordainagirien data jardueraren exekuzio aldiaren barruan egon beharko da. Exekuzio aldia baino lehenagoko data duten fakturak bakarrik onartuko dira programaren jarduerak garatzeko aurrez ordaindu behar izanez gero.

Era berean, fakturek, gutxienez, honako hauek izan beharko dituzte:

- SPIBEren identifikazioa.
- Enpresa kontratistaren edo hornitzailearen identifikazioa.



- Data.
- Horniketa edo zerbitzua sortzen duen jarduera.
- Horniduraren edo zerbitzuaren behar besteko deskribapena.

ZORTZIGARRENA.- UDAL LOKALAK PREKARIOAN LAGATZEA.

Eskoriatzako Udalak Intxaurtxueta 9 behea helbideko lokala prekarioan lagatzen dio SPIBERi egoitza soziala bertan izan dezan, eta Intxaurtxueta 37an dagoena biltegi bezala erabiltzeko.

Lokalen lagapena honako baldintza hauekin egiten da:

- Lokalak prekarioan lagatzen dira, hau da, inolako kontraprestaziorik gabe.
- SPIBERi 2025eko urtarrilaren 1etik 2025eko abenduaren 31ra arte lagatzen zaizkio lokalak.
- Lokalak SPIBERen berezko antolaketa- eta administrazio-jardueretarako baino ez dira erabiliko, eta SPIBEk ezin izango du lokalen erabilera aldatu. Lokalak egoera onean mantendu beharko ditu, beharrezko konponketak egin beharko ditu, eta jaso duen egoera berean itzuli beharko ditu kontratua amaitzean. Era berean, ezingo du obrarik egin aurrez Udalaren baimenik gabe, eta ezta hirugarren bati erabilera laga ere. Egiten den erabilera-lagapena ez da baztertzaila, hau da, SPIBEk lokala beste erabiltzaile batzuekin partekatu ahal izango du, aldeztu aurretik SPIBEk eta Udalak adostu badute.
- Eskoriatzako Udalaren kontura izango dira instalazioen mantentze-lanak, argindarra, ura, eta lokalari dagokion zabor-bilketa zerbitzua.
- SPIBERen kontura izango dira aurreko puntuan aipatu ez diren gastuak.
- SPIBEk bere burua behartzen du egunean izatera bere jarduera egiteko beharrezko diren lizentzia eta baimenak, eta baita **erantzukizun zibileko aseguru**a egiteko ere.
- Alde biek berariaz aitortzen diote elkarri SPIBE zuzenbide pribatuko eta irabazi asmorik gabeko taldea dela, eta inolaz ere ez dagoela Udalaren menpe, azken horrek ez dituela zuzentzen lokaletan egin beharreko ekintzak, eta ez duela bere esku utzi eta ez diola ere inolako onespenerik edo baiezkorik eman; bakar bakarrik lokalak lagatzen dituela, eta beraz, ez duela bere gain hartzen ez zuzenean ez modu subsidiarioan edozein motako ekintzak egiteagatik edo ez egiteagatik lokalean gerta daitezkeen kalte materialik, pertsonalik edo moralik.
- Prekarioan lagatze hori iraungitzat joko da Udalak, aurrez eta hilabeteko aurrerapenarekin SPIBERi horrela eskatuta, lokalak erreklamatuak edo SPIBEk lokalak itzultuak. Era berean, kontratu hau automatikoki iraungitzeko arrazoia izango da ondasun horiek hemen aipatu ez den beste erabilera baterako erabiltzea.
- Udalak edo bere ordezkariak baimena izango dute lokaletara sartzeko zaintza lanak eta konponketa eta mantentze-lanak egin ahal izateko.



BEDERATZIGARRENA.- KONFIDENTZIALITASUNA ETA DATU PERTSONALEN PROZESAMENDUA.

Eskoriatzako Udalak beharrezko neurriak hartuko ditu bere langileek hitzarmen honetan jasotakoa garatzerakoan informazio konfidentziala -eta bereziki, informazio pertsonala- erabili behar izanez gero, indarrean dagoen araudiaren arabera dagokien edozein betebeharrari lotuta araudi hori erabat errespetatu dezaten. Indarrean dagoen araudia esaten denean, bereziki, datu pertsonalak babesteko lege organikoa eta hori garatzeko erregelamendua esan nahi da.

Horretarako, langile horiek konfidentziasuna eta sekretu profesional betebeharrari lotuta gelditzen dira eta eskuratutako informazioa bakarrik hitzarmen honetan aurreikusitako helburuetarako erabiliko dute.

HAMARGARRENA.- JARRAIPEN BATZORDEA.

Bi aldeek beharrezkotzat jotzen dute hitzarmenaren jarraipen taldea eratzea, alde bakoitzeko ordezkariak osatuko dutena. Aurreikusitakoa eta hartutako konpromisoak betetzen direla zainduko du taldeak eta, orokorrean, etorkizunean gerta litezkeen auziaz arduratuko da.

Batzorde horretako kide izango dira:

- Udalaren aldetik: kultura teknikaria eta kultura batzordeburua edo berak eskuordetutako pertsona.
- SPIBE aldetik lehendakari den Andoni Moto Garcia de Salazar

HAMAIKAGARRENA.- HITZARMENA SUNTSITZEA.

Hitzarmen hau alde biek hala adosten dutenean suntsituko da. Era berean, alderen batek baldintzetakoren bat betetzen ez duenean ere suntsitu egingo da, betiere, hilabete aurretik alde horri kontratua suntsituko dela era fede-emailean jakinarazi eta gero.

HAMABIGARRENA.- IZAERA.

Hitzarmen honen aplikaziotik, interpretaziotik, aldaketatik, ondorioetatik eta ebazpenetik auziak edo eztabaidak sortuko balira, administrazioarekiko auzien jurisdikzioa arautzen duen uztailaren 13ko 29/1998 Legeak dioenaren arabera ebatziko dira.

Eta, ados daudela adierazteko, alde biek hitzarmen hau sinatzen dute ondorio bakarrerako, goiburuan adierazitako lekuan eta egunean.

ESKORIATZAKO UDALA

SPIBE



THE UNIVERSITY OF THE PHILIPPINES

SCHOOL OF EDUCATION

DEPARTMENT OF EDUCATION

EDUCATIONAL TECHNOLOGY

EDUCATIONAL MANAGEMENT

EDUCATIONAL POLICY

EDUCATIONAL RESEARCH

EDUCATIONAL EVALUATION

EDUCATIONAL INNOVATION

EDUCATIONAL LEADERSHIP

EDUCATIONAL QUALITY

EDUCATIONAL STANDARDS

EDUCATIONAL TRENDS

EDUCATIONAL VISION

EDUCATIONAL VALUES

EDUCATIONAL WISDOM

EDUCATIONAL KNOWLEDGE

EDUCATIONAL SKILLS

EDUCATIONAL ATTITUDES

EDUCATIONAL BELIEFS